


Giachen Martin Valier-Cavegn



(G.F) Tgi che ha la veta, ha la mort. — Quei factum san ins veser ed udif mintga di. Mo ei dat era da quels che san ed astgan haver ina liunga veta e puspei auters che van mo cuort atras lur cuors dalla veta. Tut sco Dieus ha destinau gia dall'entschatta da mintga veta humana. Ed aschia havein nus saviu veser e seperschuader che il defunct Giachen Martin ha astgau vegnir sin in'aulta vegliadetgna cun ses 81 onns. La dumengia dils 16 da decembre 1984, ha il preziau defunct astgau returnar sia olma a siu suprem scaffider, bein satifatgs per quei mund e per l'arrivada en la perpetnadas.

Sia tgina

Giachen Martin ei naschius a Camischolas ils 3 da zercladur 1904, e quei sco secund affon da 10 fargliuns dils buns geniturs Vigeli Giusep e Maria Marta Valier, nata Beer. E cheu en quei bi ambient, ensemen cun ses fargliuns, ha el astgau passentar ina biala affonza. Cun ina buna educaziun en tema da Diu ed endisaus alla lavur, eis el carschius si. Da lezs onns deva ei dapli da semudergiar, mo ins fuva era cuntents cun sia sort. Las scolas ha il Giachen Martin frequentau a Sestrin. Staus bien e baul endisaus vid la lavur ed oraziun ed inagada carschius si e daventaus in um plein forzas, ha el nuota stuiu temer dad era sez fundar ina famiglia cun la devisa: «Ura e lavura, sche gida Tei Dieus.»

Maridaglia ed atgna famiglia

Il bi meins da matg ha il preziau defunct astgau menar agl altar dil Segner sia spusa Maria Lucia Cavegn da Rueras, era ina pura da vaglia, essend sezza ord ina famiglia puramein puirla. La lètg ei stada benedida cun 9 affons, 4 buobs e 5 buobas, e quei era la legria dils buns geniturs Giachen Martin e mumma «Zia», sco ella vegneva numnada da mintg'affon. Malgrad ina gronda truscha dall'alva entochen tard ella notg, ha il preziau trapassau aunc giu peda da semetter a disposizion per il generaless. El ei staus biars onns in exact e fideivel cassier dall'assicuranza da biestga dalla entira val. Biars onns eis el staus cusseglier da scola, nua che ins appreziava ses buns meinis. El era in um grad, stregns cun sesez e quei pretendeva el era dils auters. Sch'e stueva veramein esser, sche saveva el schon era sevilar e schar ver igl alv dils égl. — Era ella musica eis el staus biars onns bassist e bien commember. Onns ora ha il defunct giu l'incumbensa da bulettes per il negozi da tiers. Era el sez fageva il marcadont, insumma in um che era mai unfis dalla lavur. E maridond in onn avon l'erupziun dalla davosa uiara mondiala da 1939–1945, ha ei era tuccau al Giachen Martin da serender empau da savens als confins. El era perschadius ch'era quei survetsch seigi ina honur, viers la mumma Patria — e tut ei vargau. La lavur a casa stueva sia consorta far ensemen culs affons. Nies trapassau ha era buca giu adina mo dis cun sulegl. Igl onn 1978, ils 23 d'uost, ei siu fegl Stiafen, che haveva gest terminau ses studis sedisgrazius mortalmein ella pezza ch'el carezava aschi zun. Quei ei stau ina greva frida per ils geniturs e fargliuns. Era quella crusch ha il Giachen Martin purtau el ver senn cristian. El ei seremess e mo internamein saveva el persuls sentir il mal da stuier piarder igl affon ella vegliadetgna da mo 25 onns. Ins astga dir: il bien bab e consort ha luvrav e semudergau ina entira veta tut per

amur da sia famiglia ed el fuva cunts, vesend ses affons en bunas posizioni per lur avegnir. Essend las forzas sgurdinadas malamein, eis el sedecidius da dar giu igl onn 1970 siu menaschi puril al fègl Giusep ch'era adina staus culs geniturs. Buca ch'el fuss forsa staus lischents, ins veseva el sera e damaun a gidond en nuegl e nua ch'e fageva basegns. El scheva: «La lavur ha aunc mai mazzau enzatgi.»

La sera dalla veta e finiziun terrestra

Igl onn 1979 ha nies bien trapassau bugen ni nuidis stuiu serender el spital a Glion e sesuttametter ad ina greva operaziun, dalla quala el ei mai propi serevegnus. Eri steva el denton buca perquei ch'el ei staus sia entira veta in pur incarnau e cun ses tiers era el enta parvis. Ils 5 da decembre ha el stuiu turnar el spital e quella gada ha la dolorusa via dalla crusch entschiet per il Giachen Martin. Ils 16 da decembre 1984 ha el rendiu si'olma al Scaffider.

Ils 18 da decembre 1984 han ins purtau ed accumpignau alla fossa sias restonzas terrestras, leu nua ch'el vegn a spetgar sillla gloriusa levada. In pievelun en malencurada ha dau perdetga co el era stimaus e respectaus. Era la bandiera dalla societad da musica han ins purtau a sia fossa e leu sbassau en fossa aviarta sco davos salid agl attaschau commember d'honor. Per nus, che vein enconuschiu ed eran vivi cun il defunct, eis el staus in exempl d'oraziun e lavur. Vegli il Tutpuscent remunerar el per tut sias lavurs e stentas — «Rauissa en la pasch dil Segner e sin seveser in di en in meglier mund.»

Alla cara consorta Zia e sias famiglias en malencurada admettein nus nossa sincera condolentscha.